

ՎԵՐՋԻՆ ՄԻԱՎԱՆԿ ԲԱՂԱԴՐԻՉՈՎ ԲԱՐԴ ԲԱՌԵՐԻ ՀՈԳՆԱԿԻ
ԹՎԻ ԶՈՒՂԱԶԵՎԵՐԸ ԺԱՄԱՆԱԿԱԿԻՑ ՆԱՅԵՐԵՆՈՒՄ

ԱՄԱՂՅԱ ՍԱՐԳՍՅԱՆ

Ժամանակակից դրական արևելահայերենի լեզվական կառուցվածքի գրեթե բոլոր մակարդակներում առկա են որոշ իրողությունների զուգաձև կիրառություններ, կրկնակ ձևեր, որոնց քննությունը կարևոր է գրական լեզվի նորմավորման ընթացքը դիտարկելու, նոր ձևավորվող օրինաչափությունները ի հայտ բերելու և ընդհանրապես լեզվի զարգացման միտումները բացահայտելու տեսակետից:

Զուգաձևերը բառային կամ քերականական այն ձևերն են, որոնք իմաստով նույնն են, ձևով՝ տարբեր¹: Մեր նպատակն է ներկայացնել ժամանակակից հայերենի վերջին միավանկ բաղադրիչով բարդ բառերի հոգնակի թվի կազմության տարբերակները և պարզել հոգնակիի զուգաձևության առաջացման պատճառները: Տվյալ դեպքում խոսքը վերաբերում է -եք և -ենք հոգնակերտ մասնիկների՝ ժամանակակից հայերենի գոյականի թվի քերականական կարգի ամենատարածված ու ամենակենսունակ ձևական ցուցիչների, կիրառության որոշ առանձնահատկություններին:

Հայերենի քերականական կառուցվածքին նվիրված աշխատություններում հոգնակի թվի կազմության քննության կապակցությամբ արվել են առանձին դիտողություններ զուգաձև հոգնակիների առկայության և դրանց առաջացման այլևայլ պատճառների մասին²:

Հ. Պետրոսյանը ի մի բերելով նշված հարցի մասին արտահայտված կարծիքները՝ զուգաձև հոգնակիների առկայությունը բացատրում է «մասամբ սովորույթի ուժով, տվյալ կառուցվածքը ավանդաբար գործածելով, մասամբ արևմտահայերենի ազդեցությամբ և կամ պարզապես գրական լեզվի նորմայի ոչ հստակ գիտակցումով»³:

Ժամանակակից հայերենում, որպես կանոն, -եք մասնիկ ստանում են գոյական բաղադրիչով կազմությունները, իսկ -ենք՝ այն բարդությունները, որտեղ վերջին միավանկ բաղադրիչը բայարմատ է կամ բայիմաստ ստացած գոյական⁴: Սակայն այս կանոնը հստակ չի գործել ժամանակակից հայերենի

¹ «Լեզվաբանական բառարան», Երևան, 1975, էջ 100:

² Հ. Աճառյան, Լիակատար քերականություն հայոց լեզվի, հ. 3, Երևան, 1957, էջ 818—819, Ս. Արրահամյան, Ժամանակակից հայերենի քերականություն, Երևան, 1969, էջ 46—47, Մ. Ասատրյան, Ժամանակակից հայոց լեզվի ձևաբանության հարցեր, Ա, Երևան, 1970, էջ 125—128, ՇՀայոց լեզվի զարգացումը սովետական շրջանում, Երևան, 1973, էջ 333—336, Հ. Պետրոսյան, Գոյականի թվի կարգը հայերենում, Երևան, 1972, էջ 296—312:

³ Հ. Պետրոսյան, նշվ. աշխ., էջ 302:

⁴ Մ. Արադյան, Հայոց լեզվի տեսություն, Երևան, 1965, էջ 337, Գ. Սևակ, Ժամանակակից հայոց լեզվի դասընթաց, Երևան, 1955, էջ 277, Գ. Զահուկյան, Ժամանակակից հայերենի հոլովման համակարգը, Երևան, 1967, էջ 46, Է. Աղայան, Ժամանակակից հայերենի հոլովումը և խոնարհումը, Երևան, 1967, էջ 250:

զարգացման նախորդ ենթաշրջանում՝ XIX դ. կեսերից մինչև XX դ. առաջին տասնամյակներն ընկած ժամանակահատվածում: Այդ շրջանի հեղինակների ստեղծագործություններում հաճախ հանդիպում ենք նույն բառի հոգնակիի զուգաձև կիրառությունների. հմմտ.՝ օրագիրներ (ՄՆ, էջ 380) և օրագրեր (ՄՆ, էջ 228), հեռագիրներ և հեռագրեր (ՆԴ, 2, էջ 120), դրամատերներ (Բ, 2, էջ 246) և զբամատերեր (Բ, 3, էջ 205) և այլն⁶, ժամանակակից հայերենի արդի փուլում կանոնականը այդ բառերի միայն -եր-ով հոգնակիներն են:

Կան միավանկ գոյական վերջաբաղադրիչներով մի շարք բարդ գոյականներ, որոնց հոգնակին այժմ էլ կազմվում է միայն -ներ մասնիկով. դրանցից են՝

-անցք⁶ միջանցքներ, լուսանցքներ, ջրանցքներ, նրբանցքներ.

-բան՝ նշանաբաններ, բնաբաններ, առաջաբաններ, վերջաբաններ, նախաբաններ.

-դուլ՝ գործադուլներ, հացադուլներ, դասադուլներ.

-զոր՝ կայազորներ, հեծելազորներ, լիազորներ.

-կիթ՝ ձկնկիթներ, հավկիթներ, կովկիթներ.

-պան՝ խանութպաններ, դռնապաններ, այգեպաններ, պարտիզպաններ.

-պետ՝ խմբապետներ, ախոռապետներ, գյուղապետներ, դպրապետներ, ճարտարապետներ, գնդապետներ և այլն:

Կան նաև միավանկ գոյական բաղադրիչով հոգնակիի -ներ կազմություն ունեցող՝ բառաշարքեր չկազմող, առանձին բառեր՝ վերելներ, հրազեններ, վայրէջներ, ծխախոտներ (զլանակ), վզկապներ, փողկապներ, ժամկետներ, տեսակեաներ, խոտհարներ, հատկանիշներ, չափանիշներ, միջնորմներ, ընծուտներ և այլն: Սրանք հիմնականում իմաստափոխված բաղադրիչներով բառեր են կամ ունեն այնպիսի վերջաբաղադրիչներ, որոնք առանձին չեն կիրառվում: Սակայն նման կազմությունների թիվը ժամանակակից հայերենում սահմանափակ է: Կանոնական կազմություն ունի գոյական բաղադրիչով բարդությունների հսկայական մեծամասնությունը: Հատկապես մեծ թիվ են կազմում հոգնակիում -եր ստացող շիմաստափոխված միավանկ գոյական բաղադրիչով բառերը (անձրևաշրներ, արոտավայրեր, բեռնանավեր, դաշտավայրեր, հողամասեր, մեծապարեր, սարալանջեր, վարելահողեր և այլն):

Ձուգաձև հոգնակի⁷ կազմող բառերը կարելի է բաժանել մի քանի խմբի-

5 Ս. Մալխասյանցի «Հայերենի բացատրական բառարանում» բերվում են տարբեր գոյական բաղադրիչներով բարդ գոյականների զուգաձև հոգնակիներ. ծրագրեր կամ ծրագիրներ (հ. 2, էջ 356), լրագրեր կամ լրագիրներ (հ. 2, էջ 221), հեռագրեր կամ հեռագիրներ (հ. 3, էջ 93), շոգենավեր կամ շոգենավներ (հ. 3, էջ 529), կրակակետեր կամ կրակակետներ (հ. 2, էջ 501) և այլն: Կարելի է ենթադրել, որ մինչև XX դ. 40-ական թթ. գոյական բաղադրիչով բարդությունների -եր-ով հոգնակիի կազմությունը դեռևս ընդհանրական կանոն չէր դրձել:

6 -Անցք բաղադրիչով բառերի հոգնակին -ներ-ով կազմելու մասին տե՛ս Ս. Արրահամյանի դիտողությունը («Ժամանակակից հայոց լեզու», հ. 2, Երևան, 1969, էջ 50):

7 Բնականաբար, զուգաձև հոգնակիներ չեն համարվում զեղազիրներ և ղեղազրեր, սրտազիրներ և սրտազրեր, հերթափոխներ և հերթափոխեր, հուշագիրներ և հուշագրեր և նման այլ կազմությունները, եթե դրանց իմաստային տարբերությունների գիտակցումը պարզորոշ է և, հետևաբար, կիրառությունները ճիշտ են: Այստեղ փաստորեն տարբեր հոգնակիներների ընտրությունը պայմանավորված է բարդությունների տարբեր իմաստներով (հուշագիրներ՝ հուշեր գրողներ և հուշագրեր՝ հուշագրություններ): Մեր քննությունը վերաբերում է այն դեպքերին,

րի. ա) վերջին միավանկ դոյական բաղադրիչով բարդ գոյականներ, բ) գոյական բաղադրիչով փոխանուն ածականներ, գ) վերջին միավանկ բաղադրիչով փոխառյալ բարդություններ, դ) բայարմատ բաղադրիչով բարդություններ:

ա) Վերջին միավանկ գոյական բաղադրիչով բարդ գոյականներ. — Ստորև ներկայացնում ենք առաջին խմբի բարդությունները⁸: Համեմատության համար, հնարավորության դեպքում, բերվում են նույն վերջաբաղադրիչով բառեր, որոնք հոգնակին կազմում են միայն —ե բայով միայն —ենք հոգնակերտով: Աստղանիշներով նշում ենք այն բառերը, որոնց հոգնակիի —ենք-ով կազմությունները նախկինում գործածական էին, սակայն արդի հայերենի նորմայի տեսակետից հնացած են (Աղյուսակ N° 1):

Աղյուսակի առաջին կետում խմբավորել ենք ձայնավորով սկսվող բաղադրիչները: Մեր կարծիքով, այդ բաղադրիչների ձայնավորով սկսվելը որոշակի դեր է կատարել դրանցով բարդված բառերի հոգնակին —ենք-ով կազմելու գործում: Այդ բառերի երկրորդ բաղադրիչի ձայնավոր հնչյունը վանկ է կազմում առաջին բաղադրիչի վերջին վանկի բաղաձայնի հետ. հմմտ.՝ գոլիգոլ, մա-հադո, բո-վանց, հո-բանց, խըմ-բերգ, գե-բերգ, չը-վերք և այլն: Այսպիսի վանկաբաժանմամբ երկրորդ բաղադրիչի առանձին գիտակցումն արտասանությամբ չի դրսևորվում, և բարդությունը համարվում է բազմավանկ, մասնավորապես —եք և —երք բաղադրիչների ե-ն արտասանվում է է, որն էլ ավելի է դժվարացնում երկրորդ բաղադրիչի առանձնացումը արտասանությամբ. հմմտ.՝ պա-բերգ, դե-բերգ, ու-ղերք և այլն: Հավանաբար, որոշ դեր ունի և վանկաքանակը: Առաջին կետում խմբավորված զուգահեռ հոգնակի ստացող բառերը (բացի ավանդեք-ից) երկվանկ են: Միայն —եք հոգնակերտ ստացող բառերի վանկաքանակը նույնաբաղադրիչ մյուս բառերից ավելին է: Աղյուսակի երկրորդ կետում խմբավորված բարդությունների զուգահեռ հոգնակիների առկայությունը բացատրվում է տարբեր հանգամանքներով՝ երկրորդ բաղադրիչի իմաստների տարբեր ընկալումներ (առարկայական կամ հատկանշային), բարդության իմաստափոխություն, համաբանություն և այլն: Առհասարակ նման բարդությունների վանկային կազմի յուրահատկությունը նույնպես որոշ դեր է կատարում: Այդ նկատի ունենալով, Աճառյանը, որը գրում էր. «Դրվում է —եք մասնիկը՝ նկատի ունենալով, որ վերջին եզրը միավանկ է, այսինքն առնելով բառը առանձին... Դրվում է —ենք մասնիկը՝ առնելով բառը իբր մի ամբողջություն և մտածելով, որ բազմավանկը ըստ օրինի պիտի ստանա —ենք մասնիկը... Ըստ իս տրամաբանությունը պիտի պահանջեր համարիլ բազմավանկ և դնել —ենք»⁹:

—Դիք բաղադրիչով բարդված բառերից (տե՛ս № 1 աղյուսակը) արդի փոխում հոգնակիի զուգահեռ կազմությամբ հանդես է գալիս նկարագրի բառը: Օրինակ՝ «Նրա բնության նկարագրիները... երբեմն գերազանցում են Աբովյանին» (ԱՏ, էջ 149): «Կան բժիշկներ, որոնք հիվանդության նկարագրերը շատ անբարեխիղճ կերպով են կազմում» (Առ., 1, 1961, էջ 16): «Կիրառա-

երբ միևնույն բառի հոգնակին կազմում է և՛ —եք, և՛ —ենք մասնիկներով՝ չդրսևորելով իմաստային որևէ տարբերություն. հմմտ. փոստանիշներ-փոստանիշներ, ստուգայցներ-ստուգայցներ, խմբերգներ-խմբերգեր և այլն:

⁸ Ունենք զուգահեռ հոգնակի կազմող բառերի բնագրային վկայությունները:

⁹ 2. Աճառյան, նշվ. աշխ., էջ 818—819:

Բազմազան մեծություն համարներ	Բազմազան համարներ	Զուգաձև հոգնակի ստացող բառեր	Միայն -ե ստացող բառեր	Միայն -են ստացող բառեր
1	– ազդ – աճք – երգ¹⁰ – երթ	զովազդ, մահազդ բովանք, հորանք, հեր- ձանք, քթանք խմբերգ, դերերգ, պար- երգ, օրհներգ, սիրերգ, վիպերգ, ավանդերգ չվերթ, ուղերթ, ողջերթ	հորատանք, կոճականք, ականջանք վրաներթ, դագաթաներթ	լուսանք, նրբանք, օրանք, միջանք շքերթ
2	– գիր – դարձ – կապ – կետ – նիշ – պետ – տեր	* ծրագիր, * գրչագիր, * լը- րագիր, * վերնագիր, * ամսագիր, * ձեռագիր, * հեռագիր, * օրագիր, * բնագիր, նկարագիր տողադարձ, շրջադարձ, արևադարձ, անկյունա- դարձ, տարեդարձ, ան- ցուդարձ քարկապ, խաչկապ, թե- կապ, * թեկապ, կըրծ- կապ, * վիրակապ ստորակետ, միջակետ, վերջակետ, բաղմակետ, * կրակակետ, ելակետ նամականիշ, փոստանիշ, ուղենիշ, դրոշմանիշ, դրամանիշ, ախտանիշ, խորհրդանիշ, դասանիշ, աստղանիշ պահեստապետ, դիրասա- նապետ * բերդատեր, * տանուտեր, * փողատեր	ծրագիր, գրչագիր, լը- րագիր, վերնագիր, ամսա- գիր, ձեռագիր, հեռա- գիր, բնագիր, օրագիր հողակապ, ամրակապ, գուլպայակապ, կողա- կապ հայեցակետ, գագաճնա- կետ, հենակետ, նպա- տակակետ, մեկնակետ, դիտակետ, հանդուցա- կետ բերդատեր, տանուտեր, դրամատեր, հողատեր, ձեռնարկատեր, գործա- րանատեր	վզկապ, փողկապ ժամկետ, տեսակետ հատկանիշ, չափա- նիշ, ցուցանիշ խմբապետ, ճար- տարապետ, հար- յուրապետ, դպրա- պետ

10 Բարդուխյան մեջ է-ն հնչվում է է:

կսն արվեստի հուշարձանների երկրորդ խմբին են պատկանում զենքի մանր, զարդարված նկարագրերով» (ՄԳ, 11, 1964, էջ 152): Առաջին երկու օրինակներում սկստը է գործածվեր նկարագրություն բառը, վերջին օրինակում նկարագիր բառն ունի «նկարված դիր, պատկեր» իմաստը:

—Դաւոձ և —կապ բաղադրիչներով բարդութունների զուգած հոգնակինների առկայությունը սլայմտնավորվում է այդ բաղադրիչների իմաստների երկակի ընկալմամբ (գոյական կամ բայարմատ):

—Ինտ բաղադրիչով տեսակետ բառի հոգնակին լինում է տեսակետներ, իսկ սրան համանիշ հայեցակետ բառի հոգնակին՝ հայեցակետեր: Հ. Պետրոսյանը դա բացատրում է տեսակետ և ժամկետ բառերում կետ իմաստի մթագնումով և դտնում է, որ հայեցակետ բառում կետ իմաստը լիովին չի մթագնված¹¹: Մեր կարծիքով, կետ բառի իմաստը հավասարապես մթագնված է այս երեք բառերում էլ: Այն մթագնված է նաև հոգնակիում —եր ստացող հանգուցակետ, գազաբնակետ, հեղակետ և նման այլ բառերում: Պատճառն այն է, որ հայեցակետ բառը, որպես գիտական ոճին հատուկ բառ, ունի գործածության ավելի նեղ ոլորտ, և այդ բառի հոգնակիի կիրառությունը տարածվել է այն ժամանակ, երբ ավելի ընդհանրական է դարձել գոյական վերջաբաղադրիչներով բարդութունների հոգնակին —եր-ով կազմելու կանոնի գործառությունը:

—Նիշ բաղադրիչով բառերում զուգած հոգնակիների առկայությունը դարձյալ պայմանավորված է —նիշ-ի իմաստային երկակի մեկնաբանությամբ (նիշ-ը բերված օրինակների մեծ մասում նշանակում է նշան, որոշ դեպքերում՝ նշող): Հավանաբար, որոշ դեր ունի նաև միայն —ներ-ով հոգնակի կազմող շափանիշ, հատկանիշ, ցուցանիշ բառերի հոգնակիների համաբանությունը, ինչպես նաև —նիշ բաղադրիչով ածականների գոյականական կիրառությունը (բառանիշներ, երկանիշներ, թվանիշներ, դասանիշներ և այլն):

—Պետ բաղադրիչով բարդութունները ավանդաբար պահպանում են հոգնակիի —ներ կազմությունը: Սակայն նորակազմ¹² բառերում նկատվում է հոգնակին —եր-ով կազմելու միտում. համտ.՝ դերասանապետեր (ԲՀ, 3, 1967, էջ 148), պահեստապետեր (ԵԾ, 31. III. 1964) և այլն:

Կսն միավանկ դոյական վերջաբաղադրիչներով բարդութունների հոգնակիի զուգած կազմություն ունեցող՝ բառաշարքեր չկազմող, առանձին բառեր. բերվող բառաշարքում ասողանիշներով նշել ենք այն բառերը, որոնց հոգնակիի —ներ-ով կազմությունները ժամանակակից հայերենի նորմայի տեսակետից հնացած են. ֆարայրեր||ներ, ստուգայցեր||ներ, ահագանգեր||ներ, Նեոագործեր||ներ, գառիթափեր||ներ, արշալույսեր||ներ, զինախաղեր||*գինախաղեր (Բ, 7, էջ 73), կենդանակերպեր||ներ, ֆուրհանգեր||ներ, շրճորեր||ներ, օտնաձայներ||*ոտնաձայներ (Բ, 2, էջ 205), սանամայրեր||*սանամայրներ (ՂԱ, էջ 99), շահնշահներ||ներ, ցանկապատեր||ներ, գառիվայրեր||ներ, թևատակեր||ներ, հաշվատներ||*կոֆատուներ (ՄՆ, էջ 276), այծուտներ||ընծուտներ, շրջափակեր||ներ, այծֆաղեր||ներ, խաչֆարեր||*խաչֆարներ (ՊՊ, էջ 131), ֆարաֆուսեր||ներ, հուրաֆույրեր||ներ, մուրաֆույրեր||ներ և այլն:

¹¹ Հ. Պետրոսյան, նշվ. աղբ., էջ 309:

¹² Նորակազմ ենք համարում Ս. Մալխասյանցի «Հայերենի բացատրական բառարանում» չվկայված բառերը:

Արդի դրական արևելահայերենում միավանկ գոյական վերջաբաղադրիչներով բարդ գոյականների հոգնակի թվի զուգաձևերը քանակապես քիչ են, բայց հավաստում են, որ գրանցում դեռևս ավարտին չի հասել հոգնակերտներից որևէ մեկի ընտրության հարցը: –Ներ-ով կազմություններն ավելի հին են կամ դործառում են հիմնականում ժողովրդախոսակցական լեզվում. ներկայումս էլ բանավոր խոսքում հանդիպում են գոյական բաղադրիչով բարդությունների –ներ-ով հոգնակիներ. օրինակ՝ տեղաշուրներ, ակաեջօղներ, տոնածառներ, հեռագրներ, հորհուրներ, մորհուրներ և այլն, որոնք, սակայն, գրական լեզվում հանձնարարելի չեն:

Հոգնակիի կազմության տեսակետից գոյական վերջաբաղադրիչով բարդ գոյականների նման են նախածանց-միավանկ գոյական կաղապարով գոյականները: 2. Աճառյանը գտնում է, որ դրանց (նկատի ունի և նախածանց-միավանկ գոյական կաղապարով ածականները) հոգնակիի կազմությունը տարբերվում է բարդ բառերից. «Բարդ բառերի կարգին չեն պատկանում նրանք, որ կազմված են որևէ նախամասնիկով, ինչ. մակբայ, հգ. մակբայներ, մակդիրներ, նախդիրներ, առողջներ, տարբերներ, ներբողներ, և ոչ բնավ՝ մակբայեր, ինչպես ասում ենք անմիտներ և ոչ բնավ անմիտեր կամ անմտեր»¹³, ներկայումս այդ կանոնը լրիվ կիրառելի է նախածանց-միավանկ գոյական կաղապարով ածականներում, իսկ նման կաղապարով գոյականներում այդ կանոնի գործառությունը սահմանափակ է: Քիչ են նախածանց-միավանկ գոյական կաղապարով այն գոյականները, որոնց հոգնակին կազմվում է միայն –ներ-ով. համերգներ, դերբայներ, մակբայներ, մակդիրներ և այլն: Սրանք հին կազմություններ են: Նման կաղապարով գոյականների հոգնակի թվում առկա են որոշ զուգաձևեր. օրինակ՝ ստորակետեր||ներ, բաղաձայներ||ներ, վերհույներ||ներ, հարացույցներ||ներ և այլն:

Մեծ թիվ են կազմում գրական, գրքային ու գիտական լեզվին հատուկ նշված կաղապարով այն գոյականները, որոնց հոգնակին կազմվում է –եր-ով. օրինակ՝ արտագաղթեր, հակաթույներ, հակախաղեր, ենթաձայներ, ենթալիմբեր, ենթակետեր, ենթաշերտեր, համագարկեր, համակարգեր, ներշարեր, շարագծեր, շարակարգեր, պարագծեր, տրամագծեր, տրամաշափեր և այլն: Մեր կարծիքով, նախածանց-ա հոգնակապ-միավանկ գոյական կաղապարով կազմությունների տարածումը նպաստել է նման կաղապարով գոյականների հոգնակիները –եր-ով կազմելուն. ա հոգնակապը, եթե մի կողմից ավելի սերտ է դարձնում բարդության բաղադրիչների շարահյուսական կապը, ապա մյուս կողմից, բառի հոգնակին կազմելու տեսակետից ունենում է բարդության բաղադրիչներն առանձնացնող արժեք, քանի որ հոգնակապովոր բարդությունների հոգնակին կազմելիս երկրորդ բաղադրիչի գիտակցումն ավելի է ընդգծվում: Այսպես էլ գոյական-ա հոգնակապ-միավանկ գոյական կաղապարով բարդությունների մեծ թվով ստեղծումն ու տարածումը գրական արևելահայերենի նոր շրջանում մեծապես նպաստել է միավանկ գոյական բաղադրիչով բարդ գոյականների հոգնակին –եր-ով կազմելու կանոնի ընդհանրականացմանը:

բ) Գոյական բաղադրիչով փոխանցում ածականներ. — Միավանկ բաղադրիչով (գոյական կամ բայարմատ) փոխանցում ածականների բաղադրիչների շարահյուսական կապը տարբերվում է նմանատիպ բարդ գոյականների

¹³ 2. Աճառյան, նշվ. աշխ., էջ 819:

բաղադրիչների կասից, Եթե վերջիններիս շարահյուսական կապը հիմնականում ենթադրում է սեռի և տեսակի հարաբերություն¹⁴, ապա միավանկ բաղադրիչով փոխանուն ածականների բաղադրիչների փոխհարաբերություններում առկա է նաև այն դոյականի առարկայական իմաստը, որի քերականական հատկանիշների կրողն է դառնում փոխանուն ածականը. այսպես՝ շարագործներ՝ շարագործ մարդիկ, կակղամորթներ՝ կակղամորթ կենդանիներ և այլն:

Շատ փոխանուն ածականներ գոյականաբար հաճախակի կիրառվելով՝ վերածվում են գոյականների: Դրանց հոգնակին կազմվում է միավանկ գոյական բաղադրիչով բարդ գոյականների հոգնակիների նմանողությամբ՝ -եր-ով: Այսպես՝ փոքրատառեր, մեծատառեր, նորատունկեր, զուգահեռանիստեր, բազմանիստեր, ծածկասերմեր, մերկասերմեր, հյուսիսափայլեր, տնամերձեր և այլն: Օրինակ՝ «Սակայն որոշ տնտեսություններ (մեծ մասամբ մասնավոր տնամերձերում) ինչ-ինչ ճանապարհներով այն ձեռք են բերում...» (Գ, 2, 1978, էջ 38): «Հյուսիսափայլերի բնույթը ուսումնասիրելու հետաքրքիր փորձ է կատարվել» (ԳՏ, 12, 1971, էջ 62): «Դիտողին տանում են... մեր օրերի աշխատավորի ձեռքով վեր խոյացող տուֆակերտ բազմաճառերի ոլորանները» (Գ, 3, 1978, էջ 87):

Սակայն կան գոյական բաղադրիչով փոխանուն ածականներ, որոնք դեռևս չեն վերածվել գոյականների և սպասելի -ներ-ի փոխարեն հոգնակին կազմում են -եր-ով: Այսպես՝ բավական տարածված են -ձև, -կերպ, -թև և այլն գոյական բաղադրիչներով փոխանուն ածականների -եր-ով հոգնակիները¹⁵, Օրինակ՝ «Գնդաձև բակտերիաների տրամագիծը 1—2 մկմ է, ձողաձևերի լայնությունը տատանվում է 0,4—0,8 մկմ» (ՀՄՀ, 2, էջ 243), ցուպիկաձևեր (ՀՄՀ, 2, էջ 243), ստորակետաձևեր (ՀՄՀ, 2, էջ 242), «խեցգետնակերպերը ջրային կենդանիներ են» (Կենդ., էջ 66): «Սարդակերպերը լինում են տարբեր մեծության» (Կենդ., էջ 74): «Կարծրաթևերի կարգին են պատկանում... այն միջատները, որոնք ունեն առջևի կարծր թևեր...» (Կենդ., էջ 96): «Ուղղաթևերի բերանի օրգանները կրծող են» (Կենդ., էջ 89—90) և այլն: Ընդգծված բառերի հոգնակիների՝ այլ բառարաններում վկայված օրինակները -ներ-ով են. հմմտ.՝ խեցգետնակերպեր, (ԺՀԼՐՐ, հ. 2, էջ 514), կենդանակերպեր (ԺՀԼՐՐ, հ. 3, էջ 102), սարդակերպեր (ԷԱ, ԱՀՐՐ, հ. 2, էջ 1284), ուղղաթևներ (ԷԱ, ԱՀՐՐ, հ. 2, էջ 1942) և այլն: Հանդիպում են նաև նույն վերջաբաղադրիչով բառերի զուգաձև հոգնակիներ նույն աղբյուրում. հմմտ.՝ խեցգետնակերպեր (ՀՄՀ, 1, էջ 343), ձկնակերպերի դաս (ՀՄՀ, 1, էջ 419), բայց՝ սաղակերպների կարգ (ՀՄՀ, 1, էջ 342):

գ) Վերջին միավանկ բաղադրիչով փոխառյալ բարդություններ. — Ընդունված է ասել, որ երբ բարդության միավանկ փոխառյալ բաղադրիչը հայերենում չի գիտակցվում ու անկախաբար չի գործածվում, ամբողջ բարդության հոգնակին կազմվում է -ներ-ով. օրինակ՝ սպիրոխետներ (ՀՄՀ, 2, էջ 243), լուսաֆորներ, բուսաֆորներ (Բուս., էջ 202): Իսկ երբ այդ բաղադրիչը գիտակցվում ու անկախաբար գործածվում է, բարդության

¹⁴ Գ. Ջահուկյան, Ժամանակակից հայերենի հոլովման համակարգը, Երևան, 1967, էջ 46—47:

¹⁵ Նման բարդությունների հոգնակիներն այժմ ունեն տևրմինային արժեք, հավանորեն այդ պատճառով էլ դիտվում են որպես գոյականներ:

հոգնակին կազմվում է -եր-ով. միկրոֆիլմեր, մուլաֆիլմեր, բլոկպատեր (ԳՏ, 3, 1978, էջ 30), ներկապուլտեր (ԳՏ, 3, 1978, էջ 26) և այլն:

Սակայն վերջին շրջանում նկատվում են հոգնակի թվի զուգահեռ ձևեր, նաև միավանկ բաղադրիչով փոխառյալ բառերում: Պատճառն այն է, որ գիտության տարբեր բնագավառներում հաճախակի գործածվող փոխառյալ բարդությունների նախկինում չգիտակցվող երկրորդ բաղադրիչները ներկայումս գիտակցվում կամ գործածվում են իբրև անկախ բառեր: Որպես միավանկ բառեր դրանց հոգնակին կազմվում է -եր-ով. օրինակ՝ ֆագեր (ՀՄՀ, 2, էջ 244), կոկեր (ՀՄՀ, 2, էջ 243): -եր-ով հոգնակին պահպանվում է նաև դրանցով կազմված բարդություններում: Ստորև ներկայացնում ենք զուգահեռ հոգնակի ստացող փոխառյալ բարդությունների բառաշարը. համեմատության համար ներկայացնում ենք նաև այնպիսի բաղադրիչներ, որոնցով բարդված բառերի հոգնակին կազմվում է միայն -ներ մասնիկով:

Աղյուսակ № 3

Բաղադրիչը	Զուգահեռ հոգնակի ստացող բառեր	Միայն -ներ ստացող բառեր
-բոս	մոտորոս	
-գոկ	գիպլոգոկ	
-կոկ	ստուֆիլակոկ, ստրեպտոկոկ, պնեմոկոկ, պլեռակոկ, դիպլոկոկ	
-ֆագ	բակտերիաֆագ, զոոսյուրիֆագ, մոնոֆագ, պոլիֆագ, ֆիտոպոլիֆագ	
-դավր	գինոզավր, րախիոզավր, գիգանտոզավր, իստիոզավր	
-ֆիտ		սապրոֆիտ, պսիլոֆիտ
-ֆիլ		պլոֆիլ, պսիլոֆիլ
-ցիտ		լեյկոցիտ, էրիտրոցիտ, թերոբոցիտ, ֆագոցիտ
-սոմ		բրոմոսոմ, ութոսոմ

Աղյուսակում ներկայացված փոխառյալ բարդություններն ունեն գործառության նեղ ոլորտ. դրանք հիմնականում գիտության տարբեր ճյուղերին վերաբերող տերմիններ են. զուգահեռ հոգնակի ստացող փոխառյալ բարդությունների եր-ով հոգնակին նոր երևույթ է:

դ) Բայարմատ բաղադրիչներով բարդություններ. — Այս բարդություններում, գերիշխում են հատկապես ռուսերեն բան անող անձնանշանակությամբ՝ հիմնականում մասնագիտություն նշող, բառերը. մատենագիրներ, հայագետներ, վիրաբույժներ, գորգագործներ, խմբավարներ, մեքենավարներ, մարզավերներ, պատմաբաններ և այլն¹⁶: Այսպիսի բառերում դերբայական իմաստի գիտակցումն ավելի ուժեղ է, ուստի և հոգնակիի -եր-ով կազմություններ գրեթե չեն նկատվում, եթե հաշվի չառնենք որոշ սխալ կիրառությունները. օրինակ՝ գերեզմանափորեր (ՎՓ, էջ 38), հանգստավորեր (ԳՏ, 5, 1972, էջ 6):

¹⁶ է. Աղայանի «Արդի հայերենի բացատրական բառարանի» 1-ին հատորի 1—300 էջերից զուրս գրված՝ հոգնակին -ներ-ով կազմող 637 բառից 400-ը անձի անվանումներ են:

Հոգնակիի -եւ-ով կազմութիւնները նկատւում են հատկապէս «որեւէ բան անելու համար նախատեսված սարք, գործիք, մեքենա» նշանակութեամբ բառերում: Դրանցում, երբ երկրորդ բաղադրիչի բայարմատը նույնացվում է միավանկ գոյականի հետ, բարդութեան հոգնակիում երեւան են գալիս և -եւ-ով կազմութիւնները: Բայարմատ բաղադրիչներով բառերում մեծ թիվ են կազմում հոխանուն ածականները, որոնց հոգնակիի կանոնական ձևը -նեւ-ն է: Բայց քանի որ դրանք հաճախ են հանդես գալիս գոյականաբար, միտում ունեն հոգնակին կազմելու գոյական բաղադրիչով բարդութիւնների նմանողութեամբ:

Ստորև ներկայացնում ենք բայարմատ բաղադրիչներով բարդութիւնների հոգնակիի զուգաձև կազմութիւնները: Համեմատութեան համար բերում ենք նույն վերջաբաղադրիչով բառեր, որոնց հոգնակին կազմվում է միայն -նեւ մասնիկով:

Աղյուսակ Մ 3

Բաղադրիչը	Ձուգաձև հոգնակի ստացող բառեր	Միայն -նեւ ստացող բառեր
-թափ	ավտոինքնաթափ, ինքնաթափ, բեռնաթափ, հողաթափ	
-նետ	ականանետ, ջրանետ, նոնականետ	
-շարժ	ինքնաշարժ, շոգեշարժ, տեղաշարժ, երկրաշարժ	
-բարշ	էլեկտրաբարշ, շոգեբարշ, շերմաբարշ, ձիաբարշ	
-չափ	շրջաչափ, անձրեւաչափ, դժանկունաչափ, արագաչափ, ռադիոհեռաչափ	հողաչափ, երկրաչափ
-ցույց	հեռուստացույց, աստղացույց	ժամացույց
-թարթ	ակնթարթ	
-ցիր	դնգացիր	
-փոր	գետնափոր	հանքափոր, գերեզմանափոր
-քեր	երկնաքեր	
-կանգ	չրականդ, ավտոկանգ	

Նշենք, որ զուգաձև հոգնակի ստացող ակնթարթ բառի հոգնակիի կանոնական կազմութիւնը համարվում է -եւ-ը¹⁷, սակայն տարածվածը այդ բառի -նեւ-ով հոգնակին է. -եւ-ով հոգնակին սակավ է հանդիպում. օրինակ՝ «Որ սած ակնթարթեր, որոնց մեջ մեզ ծանոթ սիրելի արվեստագետներն են...» (Ավ., 2, 10, 1972): Հոգնակիի հոգնակին մինչև XX դ. առաջին տասնամյակները առավելապես կազմվում էր -նեւ-ով, ներկայումս տարածված են -եւ-ով կազմութիւնները: -Չափ և -ցույց բաղադրիչներով «գործիք, սարք» նշանակութեամբ բառերը, որոնց հոգնակիների կանոնական ձևը -նեւ-ն է, միտում ունեն հոգնակիի եւ-ով կազմութիւնների:

Այսպիսով, ժամանակակից գրական արեւելահայերենի վերջին միավանկ բաղադրիչով բարդութիւնների հոգնակիներում նկատվում են զուգահեռ ձևեր, որոնց առկայութիւնը բացատրվում է ձևաիմաստային այլեւայլ հանգամանքներով:

¹⁷ Է. Աղայան, Արդի հայերենի բացատրական բառարան, հ. 1, Երևան, 1976, էջ 171:

ՀԱՄԱՌՈՏԱԳՐՈՒԹՅՈՒՆՆԵՐ

- Առ.—«Առողջապահություն» (ամսագիր):
 Ավ.—«Ավանդարդ» (լրագիր):
 ԱՏ.—Արսեն Տերանյան, Հայ կլասիկներ, Երևան, 1944:
 ԲՀ.—«Բաներն համալսարանի» (ամսագիր):
 Բուս.—«Բուսաբանություն», 5—6 (գաղափար), Երևան, 1976:
 Գ—«Գարուն» (ամսագիր):
 ԳՏ.—«Գիտություն և տեխնիկա» (ամսագիր):
 ԵԵ.—«Երեկոյան Երևան» (լրագիր):
 ԷԱ, ԱՀԲԲ.—Էդուարդ Ազայան, Արգի հայերենի բացատրական բառարան, հ. 1, 2, Երևան, 1976:
 ԺՀԼԲԲ.—Ժամանակակից հայոց լեզվի բացատրական բառարան, հ. 2, Երևան, 1972, հ. 3, Երևան, 1974:
 ԿԼԿԳ.—«Կենդանաբանություն», 6—7 (գաղափար), Երևան, 1974:
 ՀՍՀ.—Հայկական սովետական հանրագիտարան, հ. 1, Երևան, 1974, հ. 2, Երևան, 1976:
 ՂԱ.—Ղազարոս Աղայան, Հնարի երկեր, Երևան, 1956:
 ՄՆ.—Միքայիլ Նալբանդյան, Երկեր, Երևան, 1953:
 ՆԳ.—Նար-Դոս, Երկերի ժողովածու, հ. 2, Երևան, 1955:
 ՊՊ.—Պերճ Պոռյան, Կովածաղիկ, Քիֆիս, 1878:
 ՍԳ.—«Սովետական գրականություն» (ամսագիր):
 ՎՔ.—Վրթանես Փափազյան, Երկերի ժողովածու, հ. 5, Երևան, 1959:
 Բ—Բաֆֆի, Երկերի ժողովածու, հ. 2, 3, Երևան, 1955, հ. 7, 1956:

ДУБЛЕТЫ МНОЖЕСТВЕННОГО ЧИСЛА СЛОЖНЫХ СЛОВ
 С ПОСЛЕДНИМ ОДНОСЛОЖНЫМ КОМПОНЕНТОМ
 В СОВРЕМЕННОМ АРМЯНСКОМ ЯЗЫКЕ

АМАЛИЯ САРКИСЯН

Р е з ю м е

В современном армянском языке выбор форманта множественного числа слов с односложным компонентом, по общей закономерности, зависит от характера последнего компонента: при глагольном компоненте слово получает формант **-հեր**, при субстантивном **-եր**. Однако некоторое количество сложных слов может образовать множественное число как с формантом **-հեր**, так и с формантом **-եր**, что обусловлено формальными и семантическими особенностями этих слов.